



**CERTIFICADO DA DIRECCIÓN XERAL DA ASESORÍA XURÍDICA XERAL ACREDITATIVO DA EXISTENCIA DE SILENCIO ADMINISTRATIVO NO PROCEDIMENTO INICIADO POLA SOLICITUDE DE ACCESO Á INFORMACIÓN PÚBLICA PRESENTADA POR D. MIGUEL ÁNGEL DELGADO GONZÁLEZ**

Á vista da solicitude de D. Miguel Ángel Delgado González solicitando certificado acreditativo do silencio negativo producido no procedemento de acceso á información pública iniciado pola súa solicitude, cabe manifestar o seguinte:

**ANTECEDENTES:**

1. O 14 de febreiro de 2017 tivo entrada no Rexistro electrónico da Xunta de Galicia, solicitude de acceso á información pública de D. Miguel Ángel Delgado González ao abeiro da Lei 19/2013, do 9 de decembro, de transparencia, acceso á información pública e bo goberno e do artigo 26 da Lei 1/2016, do 18 de xaneiro, de transparencia e bo goberno, solicitude que quedou rexistrada co número 2017/337568. O 16 de febreiro de 2017 esta solicitude recibíuse na Asesoría Xurídica Xeral, data a partir da cal empeza a contar o prazo dun mes para a súa resolución previsto no artigo 20.1 da Lei 19/2013, do 9 de decembro e no artigo 27.4 da Lei 1/2016, do 18 de xaneiro, de transparencia e bo goberno.

En dita solicitude D. Miguel Ángel Delgado González solicitou:

*“PRIMERO.- Relación completa y actualizada de quienes formen parte del cuerpo de letrados de la Xunta de Galicia y su Asesoría Jurídica, se encuentren en activo, o en excedencia, todos los que tengan concedida cualquier tipo de compatibilidad.*

*SEGUNDO:- Informe de cada compatibilidad de letrados de la Xunta de Galicia actualmente en vigor, en el que se precise la fecha en la que se concedió y actividades que se autorizan.”*

*TERCERO: Esta solicitud forma parte del proyecto de investigación de conflictos de interés anunciado por el equipo multidisciplinar de [www.Pladesemapesga.com](http://www.Pladesemapesga.com) [www.accionytransparenciapublica.com](http://www.accionytransparenciapublica.com) y por si pudiera ser de utilidad, nos remitimos a los múltiples artículos y comunicados emitidos por la entidad de referencia.”*

2. En data de 16 de marzo de 2017 por parte da Dirección Xeral resolveu dar traslado á persoa afectada respecto da información relativa ao segundo apartado da solicitude de acceso ao abeiro do disposto no artigo 27.2 da Lei 1/2016, do 18 de xaneiro, de transparencia e bo goberno, aos efectos de que no prazo de quince días puideran presentar as alegacións que consideraran oportunas.

Nesa mesma data comunicase ao interesado a suspensión do prazo para resolver ata que se reciban as correspondentes alegacións ou o transcurso do prazo concedido para a súa presentación.





3. En data de 6 de abril de 2017 recibíronse nesta Dirección Xeral as alegacións do letrado ao que se remitiu a solicitude de acceso á información, de acordo co disposto no artigo 27.2 da Lei 1/2016, do 18 de xaneiro.

4. Mediante resolución de 6 de abril de 2017, a Dirección Xeral da Asesoría Xurídica Xeral resolveu a solicitude de acceso á información pública de referencia. En dita resolución,ponse de manifesto que a Asesoría carece de “registro específico de persoal propio, centralizándose toda a información do seu persoal no servizo de Recursos Humanos e Réxime interior, adscrito á Vicesecretaría xeral da Consellería de Presidencia, Administracións públicas e xustiza de acordo co disposto no Decreto 72/2013, de 25 de abril, polo que se establece a estrutura orgánica da Vicepresidencia e da Consellería de Presidencia, Administracións Públicas e xustiza”.

De todos modos, aos efectos de responder a petición do solicitante, na resolución indícase, con disociación de datos personais, datos sobre o número de letrados pertencentes a escala de Letrados da Xunta de Galicia que se atopan en activo, en excedencia, ou noutras situacións administrativas. Así mesmo, se lle proporcionou a información solicitada sobre as compatibilidades recoñecidas aos letrados da Xunta, se ben con indicación, exclusivamente, das iniciais de quen tiña reconocida a compatibilidade.

5. D. Miguel Ángel Delgado González recorreu a resolución referida ante a Comisión de Transparencia de Galicia o 26 de abril de 2017.

A Comisión de Transparencia resolveu dita reclamación (expediente 039/2017) mediante resolución de 31 de xaneiro de 2018, acordando a retroacción do procedemento respecto da solicitude de acceso á información pública presentada por D. Miguel Ángel Delgado González ao abeiro da lei 1/2016, do 18 de xaneiro, de transparencia e bo goberno de Galicia.

Esta resolución foi notificada a Asesoría Xurídica Xeral o 7 de febreiro de 2018.

6. En cumprimento do indicado nos fundamentos cuarto e quinto da resolución indicada a Comisión de Transparencia, e de acordo co previsto no artigo 19 da Lei 19/2013, de Transparencia, acceso á información pública en bo goberno, a Asesoría Xurídica Xeral deu tramite de Audiencia, con data de rexistro de saída do 2 de marzo, por 15 días hábiles aos letrados da Xunta de Galicia afectados pola resolución.

8. O trámite de audiencia e a suspensión do prazo para resolver prevista no artigo 19 da Lei 19/2013, do 9 de decembro, de transparencia, acceso á información pública en bo goberno, comunicouse ao solicitante con data de rexistro de saída 16 de marzo de 2018.

9. O 19 de marzo de 2018 recibíuse nesta Asesoría Xurídica Xeral solicitude de D. Miguel Ángel Delgado González solicitando certificado acreditativo del silencio negativo producido no procedemento de acceso á información pública derivado do expediente 39/2017, resolución de 31 de xaneiro de 2018 da Comisión de Transparencia de Galicia.





## FUNDAMENTOS XURÍDICOS

Primeiro.- De acordo co artigo 19.4 da Lei 19/2013, do 9 de decembro, de transparencia, acceso á información pública en bo goberno, *“transcorrido o prazo máximo para resolver sen que se ditara e notificara resolución expresa entenderase que a solicitude foi desestimada”*.

A resolución inicial desta asesoría xurídica foi ditada dentro do prazo legal para resolver, tendo en conta a suspensión do prazo para resolver acordada a consecuencia da concesión dun trámite de alegacións.

Porén, interposta reclamación polo interesado ante a Comisión da Transparencia de Galicia, esta resolveu:

*“Primeiro: Estimar a retroacción da reclamación presentada por Miguel A. Delgado González en representación da Plataforma en Defensa del Sector Marítimo Pesquero de Galicia PLADESEMAPESGA con data 25 de abril de 2017, contra a resolución de 6 de abril de 2017, no sentido indicado nos fundamentos xurídicos cuarto e quinto.*

*Segundo: Instar á Dirección Xeral da Asesoría Xurídica da Xunta de Galicia, a que, no prazo máximo de 15 días hábiles, se responda á petición de información solicitada, respectando os límites dos artigos 14 e 15 e o xeito de formalización do artigo 22, todos eles da Lei 19/2013, do 9 de decembro.*

*Terceiro: Instar á Dirección Xeral da Asesoría Xurídica da Xunta de Galicia, a que, no prazo máximo de 15 días hábiles, remita a esa Comisión da Transparencia copia do envío e a recepción da información solicitada polo reclamante.”*

Porén, a propia resolución da Comisión manifesta (fundamentos xurídico cuarto):

*“En todo caso, e dado que podería darse algunha situación susceptible de especial protección, sería recomendable dar audiencia ás persoas afectadas para que podan formular as alegacións oportunas, de conformidade co previsto no artigo 19.3 da Lei 19/2013 de 9 de decembro.”*

Así mesmo, no fundamento xurídico quinto indícase:

*“En conclusión procede estimar a petición do reclamante e retrotraelo expediente para achegarlle ao interesado a información presentada ante esta Comisión, incluíndo en todo caso os nomes e apelidos das persoas que son funcionarias e funcionarios letrados da Asesoría Xurídica da Xunta de Galicia en servizo activo e o nome e apelidos das persoas que teñen concedido unha compatibilidade. Coas cautelas indicadas no apartado anterior entre as que están o de dar trámite de audiencia a todos aqueles que forman parte do corpo de letrados/as da Xunta de Galicia e a súa Asesoría Xurídica.”*





Polo exposto, esta asesoría xurídica comunicou ao persoal letrado a concesión dun prazo de audiencia de 15 días hábiles, de acordo coa lexislación de transparencia.

Porén, aos efectos da emisión do presente certificado, debe partirse de que dende a presentación da solicitude inicial o 14 de febreiro de 2017, recibida nesta asesoría xurídica o día 16 de febreiro, por Don Miguel Ángel Delgado González transcorreu o prazo máximo de 1 mes para ditar resolución (artigo 20.1 da Lei 19/2013).

En efecto, aínda que a resolución inicial da asesoría xurídica foi ditada o último día do prazo para resolver, debe terse en conta que a resolución pola Comisión de Transparencia de Galicia é estimatoria e ordena a retroacción do expediente. Por este motivo, sen prexuízo de que a Asesoría Xurídica Xeral está tramitando o procedemento de acceso á información pública derivado da resolución da reclamación 39/2017, nos termos indicados na resolución de 31 de xaneiro de 2018 da Comisión de Transparencia de Galicia, o certo é a data de hoxe transcorreu o prazo máximo indicado na Lei para a resolución, contado dende a recepción da solicitude inicial.

Segundo.- O artigo 24 (“silencio administrativo en procedementos iniciados a solicitude do interesado”) da Lei 39/2015, do 1 de outubro, determina no seu apartado 4:

*“Los actos administrativos producidos por silencio administrativo se podrán hacer valer tanto ante la Administración como ante cualquier persona física o jurídica, pública o privada. Los mismos producen efectos desde el vencimiento del plazo máximo en el que debe dictarse y notificarse la resolución expresa sin que la misma se haya expedido, y su existencia puede ser acreditada por cualquier medio de prueba admitido en Derecho, incluido el certificado acreditativo del silencio producido. Este certificado se expedirá de oficio por el órgano competente para resolver en el plazo de quince días desde que expire el plazo máximo para resolver el procedimiento. Sin perjuicio de lo anterior, el interesado podrá pedirlo en cualquier momento, computándose el plazo indicado anteriormente desde el día siguiente a aquél en que la petición tuviese entrada en el registro electrónico de la Administración u Organismo competente para resolver”.*

Terceiro.- Sen prexuízo da expedición do certificado solicitado, debe recordarse que de acordo co artigo 24.2 da Lei 39/2015:

*“La desestimación por silencio administrativo tiene los solos efectos de permitir a los interesados la interposición del recurso administrativo o contencioso-administrativo que resulte procedente.”*

Así mesmo, debe terse en conta que de acordo co artigo 24.3.b da Lei indicada:

*“En los casos de desestimación por silencio administrativo, la resolución expresa posterior al vencimiento del plazo se adoptará por la Administración sin vinculación alguna al sentido del silencio.”*





**XUNTA DE GALICIA**

VICEPRESIDENCIA E CONSELLERÍA DE PRESIDENCIA,  
ADMINISTRACIÓNS PÚBLICAS E XUSTIZA  
Asesoría Xurídica Xeral

Edificio Administrativo de San Caetano, s/n  
15781 Santiago de Compostela  
A Coruña  
Tfno.: 981 545 898 Fax: 981 545 896  
asesoría.xuridica.xeral@xunta.gal

Polo exposto

## RESOLVO

Certificar de acordo co artigo 24.4 da Lei 39/2015 o silencio administrativo negativo producido no procedemento de acceso á información pública iniciado pola solicitude de Miguel Ángel Delgado González de data 14 de febreiro de 2017, recibida nesta asesoría xurídica o día 16 de febreiro de 2017, por ter transcorrido máis dun mes dende a súa recepción.

Santiago de Compostela, 2 de abril de 2018

O Director Xeral da Asesoría Xurídica Xeral

Manuel Pillado Quintáns

